



Broj: T 18 0 KT 0010904 16
Brčko, 30.03.2017. godine

Na osnovu člana 35. stav 1. tačka z) i člana 226. stav 1. Zakona o krivičnom postupku Brčko distrikta BiH, p o d i ž e m

O P T U Ž N I C U

Protiv:

ŠARIĆ BRANISLAVA ... rođen ...1976. godine u Kaknju***

Što je:

1. U neutvrđenom periodu do dana 30.9.2016. godine, iako svjestan da nije pohađao Saobraćajnu-tehničku školu u Zemunu, Republika Srbija, te da ne posjeduje diplomu o završetku te škole, radi upotrebe od njemu poznatog lica kupio za iznos od 550 KM krivotvorenu diplomu i svjedočanstva o stečenom srednjem obrazovanju u toj školskoj ustanovi i to Diplomom o položenom završnom ispitu u Saobraćajno tehničkoj školi u Zemunu, Republika Srbija djelovodni broj 1991/2003 od 24.6.2004. godine broj u matičnoj knjizi 474, Svjedočanstvo o položenim ispitima za školsku 2001/2002. godinu djelovodni broj 1976/2001 od 14.6.2002. godine, Svjedočanstvo o položenim ispitima za školsku 2002/2003. godinu djelovodni broj 1980/2002 od 13.6.2003. godine i Svjedočanstvo o položenim ispitima za školsku 2003/2004. godinu djelovodni broj 1991/2003 od 18.6.2004. godine u Saobraćajno tehničkoj školi u Zemunu, Republika Srbija,

dakle, lažnu javnu ispravu nabavio radi upotrebe,

2. Dana 30.9.2016. godine, s ciljem da dobije potvrdu o nostrifikaciji diplome da bi je mogao koristiti u Bosni i Hercegovini, iako svjestan da je krivotvorena, Odjeljenju za obrazovanje Vlade Brčko distrikta BiH podnio Zahtjev za nostrifikaciju Diplome o položenom završnom ispitu u Saobraćajno tehničkoj školi u Zemunu, Republika Srbija djelovodni broj 1991/2003 od 24.6.2004. godine broj u matičnoj knjizi 474 sa Svjedočanstvom o položenim ispitima za školsku 2001/2002. godinu djelovodni broj 1976/2001 od 14.6.2002. godine, Svjedočanstvom o položenim ispitima za školsku 2002/2003. godinu djelovodni broj 1980/2002 od 13.6.2003. godine i Svjedočanstvom o položenim ispitima za školsku 2003/2004. godinu djelovodni broj 1991/2003 od 18.3.2004. godine u Saobraćajno tehničkoj školi u Zemunu, Republika Srbija, i priložio ovjerene kopije navedenih krivotvorenih dokumenata broj Ov. 408/16, koji zahtjev je u tom Odjeljenju zaveden pod brojem UP-I-37-000125/16, ali je provjerom u Saobraćajno tehničkoj školi u Zemunu utvrđeno da predata diploma nije vjerodostojna,

dakle, dovođenjem u zabludu nadležnog organa pokušao učiniti da on u javnoj knjizi ovjeri što god neistinito što treba da služi kao dokaz u pravnom saobraćaju,

čime je radnjom pod tač. 1. počinio krivično djelo – Falsifikovanje isprave - iz člana 367. stav 2. u vezi sa stavom 1. Krivičnog zakona Brčko distrikta BiH, a radnjom pod tač. 2. počinio krivično djelo u pokušaju – Ovjeravanje neistinitog sadržaja – iz člana 369. stav 1. u vezi sa članom 28. istog Zakona.

2. Da se optuženom Šarić Branislavu na osnovu člana 78. Krivičnog zakona Brčko distrikta BiH izrekne mjera bezbjednosti – **Oduzimanje predmeta** – i to: Diplome o položenom završnom ispitu u Saobraćajno tehničkoj školi u Zemunu, Republika Srbija djelovodni broj 1991/2003 od 24.6.2004. godine broj u matičnoj knjizi 474, Svedočanstva o položenim ispitima za školsku 2001/2002. godinu djelovodni broj 1976/2001 od 14.6.2002. godine, Svedočanstva o položenim ispitima za školsku 2002/2003. godinu djelovodni broj 1980/2002 od 13.6.2003. godine i Svedočanstva o položenim ispitima za školsku 2003/2004. godinu djelovodni broj 1991/2003 od 18.3.2004. godine u Saobraćajno tehničkoj školi u Zemunu, Republika Srbija, te ovjerene kopije navedenih dokumenata pod brojem Ov. 1408/16 od 30.9.2016. godine u Vladi BD BiH – Odjeljenju za javni registar.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
